

**80** kom í frá þinginu, og í danskri þýðingu, skal jeg láta mjer nægja að taka það fram, að þings-  
**30. júní** ályktun þessi er samhljóða þingsályktun þeirri um frimerki, sem samþykkt var á alþingi 1897, og samkvæmt bræfi hins háa ráðaneytis 8. septbr. 1898 ekki var talin til þess fallin að verða tekin til greina.

81

## Reglugjörð

um

### Landsskjalasafnið.

1. gr.

Í Landsskjalasafni Íslands eru þau skjalasöfn, er nú greinir:

1. Skjalasafn höfuðsmanna, stiptamtanna og landshöfðingja.
2. Skjalasafn stiptsyfirvalda.
3. Skjalasafn amtmanns sunnan og vestan og amtmanns norðan og austan.
4. Skjalasafn hinna fornu biskupsstóla og biskupsdæmisins, ásamt skjalasöfnum prófastsdæma, kirkna og prestakalla.
5. Skjalasafn landsyfirdóms og hins forna yfirrjettar og lögþingisrjettar.
6. Skjalasafn landlæknis.
7. Skjalasafn landfógeta.
8. Skjalasafn endurskoðanda umboðsvaldsins.
9. Skjalasafn alþingis.
10. Skjalasöfn sýslumanna og bæjarfógeta.
11. Skjalasöfn hjeraðslækna.
12. Skjalasöfn umboðsmanna.
13. Skjalasöfn hreppstjóra.
14. Skjalasöfn hreppsnefnda.
15. Skjalasöfn sáttanefnda.
16. Skjalasöfn bólusetjara.

Þeir, sem hafa skjalasöfn þessi til geymslu, skulu skyldir að annast um, að þau skjöl og bækur hvers safns, sem eldri eru en 30 ára, verði send til Landsskjalasafsins. Þó skal eigi senda úr skjalasöfnunum skjöl, sem heyra til málum yngri en 30 ára, eða bækur, er eitthvað er í yngra en 30 ára, nema landshöfðingji úrskurði svo, og enn fremur þarf eigi að senda í Landsskjalasafnið bækur og skjöl úr skjalasöfnum þeim, er talin eru í þessari grein, þótt eldri sje en 30 ára, ef fengið er leyfi landshöfðingja. Með skjalasendingum og bóka til Landsskjalasafsins skal jafnan fylgja nákvæm skrá tvirituð yfir skjölin og bækurnar, og skal annað eintakið geymt í Landsskjalasafninu, en á hitt ritar landsskjalavörður viðurkenning um móttöku skjala og bóka, og skal það eintak svo geymt í safni því, er í hlut á. Þess skal gætt að kostnaðurinn verði eigi óhæfilega hár og skal því senda skjölin og bækurnar með strandskipunum, ef þess er kostur.

Kostnað við sendinguna skal endurgjalda hlutaðeiganda úr landssjóði, eptir reikningi, er landshöfðingi úrskurðar. **81**

Eru öll þessi ofangreindu söfn í heild sinni lögð undir umsjón sjerstaks skjalavardar.

#### 2. gr.

Skjalavörðurinn við Landsskjalasafnið sjer um, að safnið komist í gott skipulag og sje haldið í góðri reglu, og geymir þess, að gætt sje þeirra ákvæða um meðferð og afnot skjalasafnsins, sem sett eru með þessari reglugjörð. Hann skal við hver áramót senda landshöfðingja skýrslu um ástand þess, á hvern hátt unnið hefir verið að niðurröðun safnsins, og hve mikið og af hve mörgum það hefir verið notað á hinu liðna ári. Í þá skýrslu skal og koma hvað annað, er ástæða kann að vera til að taka þá fram um safnið.

Skjalavörður skal gjöra svo fljótt, sem því verður við komið, yfirlitsskrá yfir allar bækur og skjöl (skjalaböggla) safnsins; skal prenta hana, er fje er fyrir hendi, og senda hana öllum þeim, sem sent hafa bækur og skjöl til safnsins, en síðan skal geyma skrá þessa á skjalasöfnum allra embættismanna og sýslunarmanna annarstaðar en í Reykjavík.

#### 3. gr.

Geyma skal skjalavörður þess, að eigi sje farið með ljós eða eld um herbergi þau, er safnið er varðveitt í, og með öllu er bannað að reykja þar tóbak.

#### 4. gr.

Skjalavörður skal og vandlega geyma að því, að ekkert það gangi undan safninu, er það er rjettur eigandi að. Hafi og skjöl úr því eða einstökum deildum þess flækzt eða verið numin burt úr því, verið ljeð og eigi skilað aptur eða sje á einhvern annan hátt komið þaðan ófyrirsynju, ber skjalaverði að rannsaka í hvern stað slík skjöl sjeu niður komin, að gjöra megi ráðstafanir til þess að safnið nái að njóta eignar sinnar.

#### 5. gr.

Landsskjalasafnið skal vera opið til afnota fyrir almenning eina stund á dag þrisvar í viku, þriðjudag, fimmtudag og laugardag, kl. 12—1. Eigi skal þó í heild sinni leyfa að nota yngri skjöl en þau, sem eru 35 ára gömul. Þó er skjalaverði heimilt að leyfa að nota yngri skjöl, sem eru þess eðlis, að honum þyki það óhætt, en jafnan getur hann krafzt skýlausrar yfirlýsingar þess, er nota vill, að eigi ætli sá að beita skjölum þeim til vanvirðu eða skapraunar neinum manni, er þá sje enn á lífi, nje nánustu vandamönnum hans. Þykist skjalavörður ekki einhlitur um að leyfa afnot einhverra skjala eða til að

**81** veita staðfestar afskriftir nýlegra skjala til málasókna, skýtur hann því efni undir úrskurð landshöfðingja.

6. gr.

Eigi skal ljá einstökum mönnum nein skjöl út úr safninu. En heimilt er skjalaverði að ljá skjöl úr safninu til afnota á öðrum jafntryggum stað í Reykjavík. Engin skjöl má ljá til útlendra safna eða út fyrir Reykjavík, nema með leyfi landshöfðingja, en skylt er skjalaverði að veita embættismönnum, sýslunarmönnum, hreppsnefndum og öðrum, er eiga heimili annarsstaðar en í Reykjavík, staðfestar afskriftir af eða úr skjölum eða embættisbókum í skjalasafninu, et þeir beiðast þess og ætla má, að þeim eða öðrum sje slíkt nauðsynlegt, enda komi skjalaverði sanngjörn þóknun fyrir. Ef afskriftin er nauðsynleg vegna embættis, sýslunar, kirkju, fátækramála, eða hana skal á annan hátt nota í þarfir hins opinbera, þá skal þóknun þessi greiðast af landsjóði, að öðrum kosti skal hún greidd af þeim, sem biður um afskriftina.

7. gr.

Skjalavörður skal rannsaka hvað sje það af skjölum í safninu nú sem stendur, er gagnslaut megi þykja að geyma, og ónýta skuli. Skal hann, þegar því starfi er lokið, skýra landshöfðingja frá rannsókn sinni, og segir hann til, hversu með skuli fara, og setur reglur um ónýting skjala framvegis, er skjalavörður fer síðan eptir.

8. gr.

Kunni nokkurt rit að verða gefið út af safnsins hálfu, svo að á ábyrgð þess sje og kostnað, svo sem skýrsla um það, skrá um það eða einstaka hluta þess, eða safn af ýmsu því, er í safninu geymist og þarflegt kann að þykja, að út sje gefið, hefir skjalavörður umsjón með útgáfu allra slíkra rita.

9. gr.

Auglýsing landshöfðingja frá 3. apríl 1882 um landsskjalasafn er hjer með úr gildi feld.

Reykjavík 10. ágúst 1900.

**Magnús Stephensen.**

---

**Jón Magnússon.**